

Ugovor o izvođenju radova

I UGOVORNE STRANE

Arhitektonski fakultet u Sarajevu

Sjedište: Patriotske lige br.30, 71000 Sarajevo
Kojeg zastupa dekan prof. mr. Mevludin Zečević
(u daljem tekstu: Investitor)

i

Glassprotect 3 poduzetnička radnja

Sjedište: Draže Mihajlovića br. 50 Istočno Novo Sarajevo
Kojeg zastupa direktor Željko Mičić
Identifikacijski broj: 4508676500004
Identifikacijski broj obveznika PDV-a: 508676500004
Transakcijski broj banke, ime i sjedište banke: 555700000 4680888 Nova Banka
(u daljem tekstu: Izvođač)

II PREDMET UGOVORA

Član 1.

Predmet ovog ugovora je nabavka bravarskih radova u Studentskoj službi Arhitektonskog fakulteta u Sarajevu prema Pozivu Investitora i Ponudi Izvođača od 16.11.2017. godine, koji su u prilogu ovog Ugovora i čine njegov sastavni dio.

III CIJENA I NAČIN PLAĆANJA

Član 2.

Ukupna vrijednost predmetnog ugovora iznosi 5.998,00 KM (slovima: pethiljadadevetstotinadevedesetosam i 00/100 konvertibilnemarka) bez uračunatog PDV-a, odnosno 7.017,66 KM (slovima: sedamhiljadasedamnaest i 66/100 konvertibilnihmaraka) sa uključenim PDV-om.

Član 3.

Investitor će izvršiti plaćanje iz člana 2. ovog Ugovora, najkasnije 15 dana od dana prijema faktura Izvršioca, a nakon okončanja utvrđenih radova.

IV ROK I MJESTO IZVOĐENJA RADOVA

Član 4.

- (1) Izvođač se obavezuje otpočeti izvođenje ugovorenih radova odmah nakon stupanja Ugovora na snagu.
- (2) Izvođač je dužan ugovorene radove završiti u roku od 15 dana i zatražiti prijem izvedenih radova od strane Investitora.
- (3) Ukoliko Izvođač ne bude na ugovoreni način i u ugovorenom roku izvršio sve ugovorene obaveze, dužan je Investitoru platiti ugovorenu kaznu od 1 % na ukupno ugovoreni iznos radova, za svaki propust u izvršenju ovog ugovora i/ili svaki dan kašnjenja, a najviše 5 % od ukupno ugovorenog iznosa. Obaveza plaćanja ugovorene kazne utvrđuje se prilikom konačnog obračuna.

Član 5.

Mjesto izvođenja radova je zgrada Arhitektonskog fakulteta, ul. Patriotske lige br. 30, 71000 Sarajevo.

Član 6.

Ugovoreni rok se može produžiti usljed:

- a) više sile, što podrazumijeva vanjske vanredne događaje, pojave ili prirodne događaje /požar, poplava, potresi i sl./,
- b) ljudske radnje koje se nisu mogle predvidjeti, izbjeći niti ukloniti,
- c) mjera predviđenih aktima nadležnih organa

za onoliko vremena koliko su trajale okolnosti iz tač. a) do c), uzimajući u obzir i objektivno vrijeme potrebno za ponovnu organizaciju rada i nastavak radova.

V OBAVEZE INVESTITORA I IZVOĐAČA

Član 7.

Obaveze Investitora su da:

- a) preda dokumentaciju potrebnu za uvođenje Izvođača u posao,
- b) uredno plati izvedene radove po završenoj situaciji,
- c) nakon tehničkog pregleda preuzme objekat koji je predmet ovog ugovora,
- d) pravovremeno obavijesti Izvođača o eventualnim izmjenama u tehničkoj dokumentaciji.

Član 8.

(1) Investitor će osigurati vršenje stručnog nadzora nad radovima Izvođača, radi provjeravanja i osiguranja njihovog urednog izvođenja, naročito u pogledu vrsta, količina i kvaliteta radova, materijala, opreme i ugovorenih rokova.

(2) Za koordinaciju operativnih aktivnosti na realizaciji ovog ugovora u pogledu praćenja izvođenja ugovorenih radova, imenuju se:

- za Investitora: Fadil Hurić, 061/219-836
- za Izvođača: Željko Mičić 066/307-273

Član 9.

Izvođač je obavezan obavijestiti Investitora o završetku svih ugovorenih radova.

VI GARANCIJA I GARANTNI ROK

Član 10.

(1) Za sve izvedene radove Izvođač daje garanciju za period od dvije godine od dana izvršenog tehničkog pregleda radova od strane ovlaštene osobe Investitora.

(2) Za ugrađenu opremu Izvođač garantira onoliko vremena koliko je garancija proizvođača opreme ili uređaja u garantnim listovima proizvođača.

(3) Ako je Izvođač napravio propust prilikom izvođenja radova ili je iste izveo nekvalitetno, dužan je odmah, a najkasnije u roku od sedam dana od prijema zahtjeva za otklanjanje nedostataka nastalih prilikom izvođenja radova izvršiti otklanjanje nedostataka bez naknade na pismeni poziv Investitora i/ili Korisnika. Rok u kojem se nedostatak mora otkloniti utvrđuje se zapisnički od strane Izvođača i Investitora.

VII STUPANJE NA SNAGU I RJEŠAVANJE SPOROVA

Član 11.

Svaka ugovorna strana može pokrenuti postupak raskida Ugovora ako druga strana ne izvršava preuzete utvrđene obaveze, uz otkazni rok od 15 dana.

Član 12.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

VIII OSTALE ODREDBE

Član 13.

Izvođač nema pravo, u svrhu izvršenja ovog Ugovora, da zapošljava fizičke ili pravne osobe koje su bile uključene u pripremu zahtjeva za dostavljanje ponuda ili su bile u svojstvu članova Komisije za javne nabavke, najmanje šest mjeseci po stupanju na snagu istog.

Član 14.

Za sve što nije regulirano ovim Ugovorom primjenjivaće se odredbe pozitivnih propisa kojima se reguliraju obligacioni odnosi u Bosni i Hercegovini.

Član 15.

Punovažne i obavezujuće su samo one izmjene i dopune ovog Ugovora koje su ugovorne strane sačinile sporazumno i u pismenoj formi

Član 16.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

"GLASSPROTECT 3"
vlasnici: Radoslav Radović i
Željko Mičić (osobni preduzetnici)
Za Izvođača
zanatstvo
ISTINSKO SARAJEVO SARAJEVO

Željko Mičić, direktor

Datum: 21. 11. 2017. godine
Broj: 38/17

ARHITEKTONSKI FAKULTET
UNIVERZITETA
SARAJEVO
Za Investitora

Prof. mr. Mevludin Zečević dekan
Datum: 17. 11. 2017. godine
Broj: 05-41/125-17